

CBETA電子佛典集成

CBETA Chinese Electronic Tripitaka Collection
eBook

T19n0949

奇特最勝金輪佛頂 念誦儀軌法要

財團
法人 佛教電子佛典基金會



目次

- [編輯說明](#)
- [章節目次](#)
- [卷目次](#)
 - 001
- [贊助資訊](#)

編輯說明

- 本電子書以「CBETA 電子佛典集成 Ver si on 2023 .Q4」為資料來源。
- 漢字呈現以 Uni code 3.0 為基礎，不在此範圍的字則採用組字式表達。
- 梵文悉曇字及蘭札字均採用羅馬轉寫字，如無轉寫字則提供字型圖檔。
- CBETA 對底本所做的修訂用字以紅色字元表示。
- 若有發現任何問題，歡迎來函 service@cbeta.org 回報。
- 版權所有，歡迎自由流通，但禁止營利使用。

No. 949

奇特最勝金輪佛頂念誦儀軌法要

夫欲修習一字頂輪王法者，先須入大曼荼羅海會，從師親受灌頂。既蒙印可，方得諮學微妙軌則真言教門。建立道場，一依本部儀式畫本尊像，如法安置。若欲疾成悉地，先須沐浴，著新淨衣。若出家者，精持律儀，不得缺犯。若在家者，應受近住八支淨戒。復當殷重發廣大心，於阿闍梨所敬仰如佛，愍諸有情起大悲願，不惜身命常生濟度，悉令離苦獲大利樂。入道場已，五輪投地虔誠普禮一切如來，復對本尊、恒沙聖眾以淨三業悔除罪障，勸請諸佛轉妙法輪，隨喜三乘所修福智，以斯妙善迴向菩提，法界眾生同階佛果。

次以塗香塗手，合掌如蓮，觀察本源自性清淨，為諸客塵之所覆蔽。作此觀已，運心廣布，我與眾生亦同清淨。為令清淨故，誦此殊勝浴澡真言：

唵(一) 薩嚩(二合)婆(去)嚩訶(詩律反)度哈

由三誦明故，身口意三業乃至遍法界一切悉清淨。

次結一切諸佛部心三昧耶印：

止觀十度內叉拳，禪智二度並申合，遍觀諸佛滿虛空，三誦真言頂上散。諸佛部心真言曰：

唵(一) 爾曩爾迦(半字呼)娑嚩(二合)賀(引)

由結前印誦真言故，十方諸佛一切如來，承本誓願皆悉運集遍滿虛空，舒光照燭加持行人，離諸障惱，三業清淨，速證菩提。

次結一切諸菩薩蓮華部心三昧耶印：

准前結佛部心印， 屈左智度入掌中，

禪度直豎或三招， 運心憶念觀自在，
一切微塵菩薩眾， 持蓮眷屬滿空中，
至心三遍誦真言， 方以印於頂右散。

蓮華部心真言曰：

唵阿(去)嚕力迦(半字呼)娑嚩(二合引)賀

由結前印誦真言故，觀自在菩薩承本誓願，將諸蓮華眾無量菩薩遍滿虛空皆悉運集，放大光明加持行者，令得清淨，所求滿足，離諸障難，疾證菩提。

次結一切金剛部心三昧耶印：

准前復結佛部心印。

屈右禪度入掌中， 智度直豎或三招，
塵沙眷屬共圍繞， 威光赫奕遍虛空，
至誠三遍誦真言， 方以印於頂左散。

金剛部心真言曰：

唵嚩日羅(二合)地力(二合)迦(半字呼)娑縛(二合)賀(引)

由結前印誦真言故，十方一切金剛手等，承本願因如雲而集，現大威德加持行人，除障摧魔自在無礙，疾成悉地，速至菩提。

次結金剛甲冑護身印：

止觀羽作金剛拳， 禪智橫屈於掌內，
進力如鉤慣甲勢， 加持心額二肩喉，
至心三遍誦真言， 印身五處頂上散。

甲冑護身真言曰：

唵[口*部]入嚩攞(二合)[合*牛]

由結甲印誦真言故，加持五處成大護身，即同金剛堅固之體。金剛藏王承本願力，領諸眷屬數如塵沙無量金剛圍遶侍從，光明熾盛現忿怒形，加持行人威德自在，辟除作障，摧壞諸魔，小則能護一身、大則護持國界，一切災厄、水火刀兵、毒藥蟲虎狼猛獸皆悉遠離不敢視之，毘那藥迦自然怖走，永無惱害，疾證菩提。

次結辨事印：

止觀二羽內叉拳， 禪智雙屈入掌中，
然申忍願頭相跂， 頂上三旋成結護，
左轉三匝是辟除， 隨心所到作方隅，
破法能成一切事。

辨事佛頂真言曰：

曩莫三(去)漫多母馱南(引)唵拏嚕唵(二合)滿馱娑嚩(二合)賀

由結前印及誦真言，悉能辟除及結護界，是名諸佛警悟聖心，能破他法，壞滅魔羅，天龍八部、羅刹、藥叉、毘那夜迦，忙怖奔走。由結此印，世出世間一切事業速能成辨，自在無礙，悉地現前。

次結奉獻闕伽印：

二羽仰掌捨器形。

進力屈於忍願傍， 禪智曲補於進力，
捧器三旋當額上， 想浴聖眾淨如蓮。

闕伽浴聖真言曰：

曩麼三(去)滿多母馱南(引)誒誒曩糝魔沙麼娑嚩(二合引)賀

由結此印誦真言奉獻闕伽浴聖故，表修行人無始垢業蕩除清淨，如妙蓮華，當來果獲得無染智。

次結虛空普供印：

二羽合掌交初分， 右押左縛如金剛，
想成真實微妙供， 無量雲海奉聖眾，
供養一切諸如來， 後說四句妙伽他，
五誦真言頂上散。

虛空大明真言曰：

曩莫三滿多沒馱南(引)薩嚩(二合)他(引)欠盟娜孽帝薩頗(二合)囉吽
[牟*合]誡誡曩劍娑嚩(二合引)賀

由結此印誦真言故，以不思議力從印流出一切供養。無量天眾各持天寶器，盛諸妙供養塞滿虛空，所謂塗香燒燈、飲食衣服、幢蓋瓔珞，奉獻如來。誦一遍故，流出塗香，當來獲得戒品塗香。誦二遍故，流出焚香，當來獲得定芬馥。誦三遍故，流出花鬘，當來獲得離染妙蓮。誦四遍故，流出寶食，當來獲得法喜禪悅。誦五遍故，流出寶燈，當來獲得如來五眼，當得如上諸功德波羅蜜門皆具足。復以心遍法界，以誠實言誦妙伽他，而說偈言：

「以我功德力， 如來加持力，
及以法界力， 普供養而住。」

次以梵讚歌詠本尊相好金身殊勝功德：

麼禰史膩薩嚩若誡(一) 地帶史膩拽捨臬嚩(二合)[寧*頁](二) 步嚩
步晚禰迦滿馱(三) 三麼娑多(二合)尾爾也(二合)地跛(四) 訖羅(二
合)麼哩[寧*頁]曩謨罕覩(二合)帝怛囉(二合)哆哩左訖羅(二合)嚩(轉舌)
底[寧*頁](六)

由讚佛三身，六根諸功德，八萬四千種，殊勝不思議。承斯歌詠因，當來獲妙果，福聚海無量，等同奇特尊。

次結佛眼大明印：

止觀虛合未開敷， 禪智雙屈在掌中，
進力各押忍願背， 如眼開明照一切，
安眉心額二肩喉， 起大悲愍怖畏除。

隨誦真言頂上散。

佛眼大明母真言曰：

曩莫薩嚩怛他(去引)藥帝毘庾(引)(一) 囉胝(二合)(二) 毘藥(二合)三
藐三沒弟毘藥(二合)(三) 唵(四) 嚕嚕罕普嚕(二合)入嚩囉底(丁以反)
瑟姪(二合)(六) 悉馱路(引)左[寧*頁]薩嚩(二合)[口*賴]他(二合去聲
呼)娑(去)馱[寧*頁](八) 娑嚩(二合引)賀

此名一切佛眼大明，能息可畏難調伏者，為欲成就世間出世間，一切佛頂大輪王法一切事位滅諸諍論，亦是一切諸佛種族母，復是一切諸大菩薩生養母。為說頂輪真言威德奇特，諸大菩薩皆失本心，諸天龍神威力滅沒。凡誦一字佛頂明，先須誦佛眼明，念誦畢已亦誦七遍，眾聖歡喜安樂有情。

次結一字根本印：

止觀密縛內叉拳， 由感忍願如劍形，
禪智進力甲柱跏， 是名金剛佛頂印。
想身威德同本尊， 流光晃曜遍十方。

印身五處頂上散。

金輪頂王真言曰：

曩謨三漫多(一) 母馱南(二) 唵[合*牛][口*部][口*臨](二合彈舌重呼)[合*牛]

此是摩訶印， 所謂如來頂，
由斯結誦故， 即同於世尊。
演說頂輪明， 三千六反動，
山河皆勇沸， 大火遍魔宮，
惶怖盡歸依， 地獄眾苦息，
菩薩龍天眾， 畏仰如佛身。

次結大慈普護印：

十度相叉作月形，禪智檀惠相著，印心額喉，頂上散

慈護真言曰：

唵沒馱味怛哩(二合)嚩日囉(二合)洛乞灑(二合)憾

結印誦明除怖畏， 起大悲心遍一切，
所有怨敵惡相凌， 願彼皆當大安樂。
由此三誦悲護故， 毒害之心自覺悟，
深生悔過向菩提， 歡喜敬仰前人所。
初後若常誦此明， 惶怖眾生得安慰，
護大利益殊勝事， 速滿諸願證悉地。

次結淨珠印：

盤珠於掌內， 如蓮未開形，
捧合於心上， 三七遍加持，
頂戴懸重心， 如法而供養。

淨珠真言曰：

唵阿[口*納][口*部](二合引)帝[口*尾]惹曳(而異反)悉地(引)悉馱[口*賴](二合)剌娑嚩(二合引)賀

次結持數印：

二羽半金剛， 禪智捨戒方，
進力忍願後(屈不相著)， 七遍持數明。

然後而念誦。

持珠真言曰：

曩莫婆譏嚩帝蘇悉地娑馱也娑馱也娑馱囉剌娑嚩(二合引)賀

先當淨三業， 加法而念誦，
一心莫散亂， 注想於本尊。
字句分明呼， 不緩亦不急，
勿生懈怠意， 聲咳及頻申。
雜染縱昏沈， 如是諸過咎，
少分生忘緣， 皆不得成就。
念誦課數畢， 持珠安舊處，
方入三昧耶， 當住本尊觀。
食頃從定出， 却結根本印，
次結佛眼明， 歌詠音讚歎。
普供闕伽已， 辟除左解散，
三部重護身， 最後慈護印。
禮悔依前儀， 讀誦大乘典，
隨意任經行， 常時莫間斷。
頂輪王要略一卷

奇特最勝金輪佛頂念誦儀軌法要

若不能誦向前大佛眼真言，誦此心真言亦得佛眼小呪也。

om bu ddh ā lo ca ne sv ā 曩 莫
三 滿 多 沒 馱(引) 嚩(引) 唵 沒 馱(引) 路 左
[寧*頁](引) 娑嚩(二合引) h ā

賀

教舜

kum

二交了

水壇法

取新淨牛糞，不食糟豆特犢子糞最第一，不得直用其生牛糞。取新瓦罐以汲淨水，不用殘水，寫淨[分/几]中。以糞和水，攪去其滓，著檀香末。取一柳枝，以右手執，左手執金剛杵及其數珠，東坐誦佛頂心呪，柳枝攪水，呪一百八遍。持呪水器入道場中，從東北角捕其香水，以右手摩地。隨日轉摩，隨摩隨乾，勿令停水。道場內地一編摩訖，乃至道場水四邊摩各一步地，四角豎標結繩為界，此則名為佛頂三昧陀羅尼結界之地。如一編摩，第二第三亦如是摩。摩地不得用殘香水，日日別取新淨牛糞，准前作用。作此水者，則名佛頂三昧陀羅尼八功德水壇地乾竟。

二校了

[CBETA 贊助資訊](https://www.cbeta.org/donation/index.php)

[.\(https://www.cbeta.org/donation/index.php\)](https://www.cbeta.org/donation/index.php)

CBETA 成立於 1998 年，於 2023 年 8 月 7 日轉型成為基金會。成立多年來，一部部佛典在嚴謹控管中轉換為數位典藏，不只數量龐大，而且文字校訂精確可信，又加新式標點方便閱讀。「CBETA 電子佛典集成」不僅獲得國際學界的重視及肯定，也成為大眾廣為運用的公共資源，如此成果都是在廣大信眾及有識之士的支持下才得以實現。

對一個從事佛法志業的非營利團隊，能夠長期埋首理想、踏實耕耘是非常不容易的。如今，CBETA 運作經費日漸拮据，但「佛典集成」仍有許多未竟之功。因此，懇請大家慷慨解囊、熱情贊助，讓未來有更多更好的電子佛典。

您的捐款本會皆會開立收據，此收據可在年度中申報個人或企業的綜合所得稅減免。感恩諸位大德的善心善行，以及您為佛典電子化所做的一切貢獻。

信用卡線上捐款

本線上捐款與 net iCRM 及 NewebPay 藍新金流合作，資料傳送採用 SSL (Secure Socket Layer) 傳輸加密，讓您能夠安全安心地進行線上捐款動作。

不管您持有的是國內或國外卡，所有捐款最終將以新台幣結算，所以我們所開立的捐款收據也將以新台幣計。

線上刷卡支持定期定額與單筆捐款。(銀聯卡不支援定期定額)

[前往捐款](#)

劃撥捐款

郵政劃撥帳號：5 0 4 6 8 2 8 5

戶名：財團法人佛教電子佛典基金會

欲指定特殊用途者，請特別註明，我們會專款專用。

線上信用卡 / PayPal 捐款

PayPal 是一個跨國線上付款機制的公司，CBETA 引用其服務，提供網友能在線上使用信用卡或 PayPal 帳戶贊助 CBETA 。

PayPal is an online system of a global payment solution. CBETA uses its service to provide the uses to donate by using the credit cards or PayPal account to support the CBETA project .

相關收據開立事宜，由於付款幣別為美元，我們除了會依您所贊助之美元金額開立收據外，另我們會依捐款當日公告匯率開立台幣收據，此收據為國內正式合法報稅憑證。

Since the donation made is in US currency, hence all the receipts will be issued in the US dollars consequently. However for the domestic donors, a Chinese official receipt will also be made according to the foreign exchange rate for the purpose of tax deduction.

[線上信用卡 / PayPal 贊助](#)

支票捐款

支票抬頭請填寫「財團法人佛教電子佛典基金會」。

For donations by check, please write the check to
"Comprehensive Buddhist Electronic Text Archive
Foundation".
